



Број/Број: **03/1-50-14-7-4/11**  
Сарајево/Sarajevo, 01. 09. 2011. godine

**PREDMET:** Izvještaj o radnoj posjeti Glavnom uredu Granične policije BiH, Sarajevo

Članovi Zajedničke komisije za odbranu i sigurnost BiH (ZK), 20.7.2011., posjetili su Glavni ured Granične policije Bosne i Hercegovine (GPBiH) u Sarajevu. U delegaciji su bili članovi i osoblje Ureda sekretara Zajedničke komisije: Dušanka Majkić, predsjedavajuća, Borjana Krišto, prva zamjenica predsjedavajuće, Šefik Džaferović, drugi zamjenik predsjedavajućeg, Borislav Bojić, Staša Košarac, Mehmed Bradarić, Krunoslav Vrdoljak i Nermina Zaimović – Uzunović, članovi ZK, Željko Grubešić, stručni savjetnik, i Jovica Katić, stručni saradnik.

U Glavnom uredu GPBiH članove ZK pozdravio je Vinko Dumančić, direktor, Enes Gačanin, zamjenik direktora, Jovo Đurica, načelnik Uprave za operacije, i Radiša Samardžija, šef kabineta direktora.

Vinko Dumančić, direktor GPBiH, u uvodnom dijelu pozdravio je članove ZK i zahvalio im na posjeti i neprekidnom interesu za aktivnosti u GPBiH.

Dušanka Majkić, predsjedavajuća ZK, u ime ZK i u svoje lično ime, pozdravila je čelne ljude GPBiH. Naglasila je ciljeve prve radne posjete članova ZK nakon konstituiranja te od Vinka Dumančića tražila da iznese stanje, probleme, prijedlog rješenja kao i način na koji se mogu članovi ZK angažirati u rješavanju problema koji su bitni za još uspješniji rad GPBiH.

Enes Gačanin, zamjenik direktora GPBiH, u svom izlaganju naglasio je sljedeće:

- Osnovne informacije o državnoj granici BiH i graničnim prijelazima.

Posebno je naglasio da je Granična policija BiH ispunila sve obaveze iz Mape puta za liberalizaciju viznog režima za građane BiH te da je 15.12.2010. Stupanjem na snagu Odluke o liberalizaciji viznog režima za građane BiH s Evropskom unijom ispunjen jedan od ciljeva u 2010.godini.

- Organizacionu strukturu GPBiH

- Tehničku opremljenost

- *50 graničnih prijelaza opremljeno je čitačima putnih isprava,*

- *Na 50 graničnih prijelaza u funkciji je Informacioni sistem za migracije (ISM),*

- 29 graničnih prijelaza pokriveno je videonadzorom,
  - Oprema za provjeru vjerodostojnosti putnih isprava,
  - Terenska i druga vozila,
  - Plovila,
  - Termovizijske kamere, seizmički senzori i GPS uređaji,
  - Službeni psi,
  - Oprema za presretanje telekomunikacija,
  - Oprema za forenzička vještačenja telefonskih aparata,
  - ‘I-2’ Softver za analizu i obradu podataka,
- Obuku policijskih službenika
  - Integrirano upravljanje granicom,
  - Europske integracije,

Gospodin Gačanin je posebno istakao značaj *razmjene informacija i provođenja zajedničkih akcija*.

INTERPOL i EUROPOL, ICITAP, SECI, FRONTEX su samo neke od međunarodnih organizacija s kojima su realizirane obuke, operacije i analiza rizika.

Izuzetno dobrom je ocijenio saradnju sa DCAF, MARRI i IOM.

Prezentirani su i vrlo značajni detalji koji govore o međunarodnoj saradnji, pokazateljima migracijskih tokova u 2010. godini, prometu lica preko državne granice BiH kao i pravcima kretanja ilegalnih emigranata.

#### PRIORITETNI CILJEVI GPBiH U 2011.GODINI:

Strategijom Granične policije (2010.-2014.) utvrđeno je sljedećih pet ključnih ciljeva/prioriteta koji će omogućiti GPBiH da ispuni svoju misiju i viziju:

- *Povećati sposobnosti GPBiH da spriječi i smanji prekogranični kriminalitet i ilegalne migracije;*
- *Poboljšati ugled GPBiH u zajednici kroz prihvatanje, poštovanje i podršku;*
- *Unaprijediti usvajanje i primjenu šengenske pravne tečevine u GPBiH;*
- *Kontinuirano unapređivati razmjenu informacija, koordinaciju i saradnju sa*

*svim partnerskim agencijama;*

- *Unaprijediti rukovodne i upravljačke kapacitete GPBiH za upravljanje promjenama.*

Nakon izlaganja gospodina Gačanina članovi ZK su postavljali pitanja o radu GPBiH s ciljem da se detaljnije upoznaju s aktivnostima ove policijske agencije.

Članovi ZK obišli su i Centar za presretanje komunikacija gdje su upoznati s mogućnostima koje pruža taj centar kao i s procedurom rada koja je potpuno jasno i precizno definirana. Dušanka Majkić i Vinko Dumančić su nakon zvaničnog dijela posjete dali izjave za medije u kojima su se osvrnuli na rad GPBiH, stanje i prioritete u radu u 2011. godini.

PREDSJEDAVAJUĆA  
ZAJEDNIČKE KOMISIJE  
**Dušanka Majkić**

Prilog:

- Prezentacija zamjenika direktora GPBiH

Dostavljeno:

- naslovu
- a/a